



UNIVERSITÄTS-  
BIBLIOTHEK  
PADERBORN

## **Avrea Gemma Christianorvm**

**Ruben, Leonhard**

**Paderbornae, 1604**

V. Præcipuis quibuscunq[ue] rebus in sacris litteris comparata.

---

[urn:nbn:de:hbz:466:1-68313](https://nbn-resolving.org/urn:nbn:de:hbz:466:1-68313)

XVII. Terribilis vt castrorum acies dæmonibus. Cant. 6. 8. 9. vt membro. 6.

XVIII. Mater Domini. Matth. 2. 13. *Quis cum recessissent, ecce Angelus Domini apparuit in somnis Ioseph dicens: Surge, & accipe puerum & matrem eius, & fuge in Aegyptum, & esto ibi usque dum dicam tibi. Futurum est enim vt Herodes querat puerum ad perdendum eum.* Ibid. capit. 12. 47. *Dixit autem ei quidam: Ecce mater tua, & fratres tui foris stant querentes te.* Mat. 3. 31. 32. *Et veniunt mater eius & fratres, & foris stantes miserunt ad eum vocantes eum, & sedebat circa eum turba, & dicunt ei; ecce mater tua, & fratres tui foris querunt te.* Ioan. 19. 25. vt membro. 3.

XIX. Mater cunctorum viuentium. Genes. 3. 20. *Et vocauit Adam nomen vxoris sue, Heua, eo quod mater esset cunctorum viuentium.*

## CAPVT V.

Præcipuis quibuscunq; rebus in sacris litteris comparata.

I. Est Arx Siõ in qua habitat Dauid. 2. Reg. 5. 7.

II. Ciuitas Dei de qua gloriosa dicta sunt, in qua habitat Dominus. Psal. 45. 5. 6. *Fluminis impetus laetificat ciuitatem Dei, sanctificauit tabernaculum suum Altissimus: Deus in medio eius non commouebitur, adiuuabit eam Deus manè diluculo.* Psalm. 86. 1. 2. 3. 4. 5. 6. 7. *Fundamenta eius in montibus sanctis: diligit Dominus portas Sion super omnia tabernacula Iacob. Gloriosa dicta sunt de te, ciuitas Dei. Memor ero Rahab, & Babylonis scientium me. Ecce alienigena, & Tyrus,*

& populus *Aethiopum*, hi fuerunt illic. Nunquid *Sion* dicet, homo, & homo natus est in ea, & ipse fundavit eam *Altissimus*? Dominus narrabit in scripturis populorum, & principum: horum qui fuerunt in ea: sicut letantium omnium habitatio est in te.

3. Domus *Salomonis* quam aedificavit tredecim annis. 3. Reg. 7. i. Domum autem suam aedificavit *Salomon* tredecim annis, & ad perfectum usque perduxit.

4. Gloria *Ierusalem*. *Judith*. 15. 10. 11. Quam cum exisset ad illum, benedixerunt eam omnes una voce, dicentes: Tu gloria *Ierusalem*, tu latitia *Israël*, in honorificentia populi nostri: quia fecisti viriliter, & confortatum est cor tuum, eo quod castitatem amaueris, & post virum tuum alterum nescieris: & manus Domini confortavit te, & ideo eris benedicta in aeternum. Cuius gloria ab intus *Psal.* 45. 13. 14. Et filiae *Tyri* in muneribus vultum tuum precabuntur: omnes divites plebis. Omnis gloria filiae regis ab intus, in fimbrijs aureis circumamicta varietatibus. Vers. 19. Propterea populi confitebuntur tibi in aeternum, & in saeculum saeculi.

5. Habitaculum firmissimum & Domus solium sempiternum à *Salomone* vero aedificatum. 3. Reg. 8. 12. 13. Tunc ait *Salomon*: Dominus dixit ut habitaret in nebula: Aedificans aedificavit domum in habitaculum tuum, firmissimum solium tuum in sempiternum. Quod implet gloria. *Ibid.* vers. 11. Et non poterant sacerdotes stare & ministrare propter nebulam: Impleverat enim gloria Domus

*Domini domum Domini. Quod sanctificauit Dominus. Ibidem. cap. 9. 3. Dixitq; Dominus ad eum: Exaudiui orationem tuam & deprecationem tuam, quam deprecatus es coram me: sanctificauit domum hanc, quam adificasti, ut ponerem nomen meum ibi in sempiternum, & erunt oculi mei & cor meum ibi cunctis diebus.*

6. Honorificentia populi. Iudith. 15. 10. vt memb. 4. Et lilium. Cant. 2. 2. *Sicut lilium inter spinas, sic amica mea inter filias.*

7. Lætitia Israël. Iudith. 15. 10. vt membro quarto.

8. Mons de quo abscissus est lapis sine manibus. qui percussit statuam. Dan. 2. 34. *Videbas ita, donec abscissus est lapis de monte sine manibus, & percussit statuam in pedibus eius ferreis, & fictilibus, & comminuit eos. Vers. 45. Secundum quod vidisti, quod de monte abscissus est lapis sine manibus, & comminuit testam & ferrum, & as, & argentam, & aurum. Deus magnus ostendit regi qua ventura sunt postea, & verum est somnium, & fidelis interpretatio eius.*

9. Paradysus voluptatis, in quo positus homo, secundus Adam Christus Dominus. Gen. 2. 8. *Plantauerat autem Dominus Deus paradysum voluptatis à principio, in quo posuit hominem quem formauerat. Vide membro 5.*

10. Porta clausa. Ezech. 44. 2. *Et dixit Dominus ad me: porta hac clausa erit: non aperietur, & vir non transibit per eam: quia Dominus*  
 G Deus

Deus Israël ingressus est per eam. & cætera.

11. Reclinatorium aureum. Cant. 3. 9. 10. Ferculum fecit sibi Rex Salomon de lignis Libani, columnas eius fecit argenteas, reclinatorium aureum, ascensum purpureum, media charitate constravit propter filias Ierusalem.

12. Rubus ardens incombustus. Exod. 3. 2. Apparuitque ei Dominus in flamma ignis de medio rubi. & videbat quod rubus arderet, & non combureret.

13. Sanctuarium quod curavit Dominus fieri, ut in medio eius habitaret, & arca de lignis Sethim, quæ corrumpi non poterant. Exod. 25. 8. 9. 10. 11. Facientque mihi sanctuarium, & habitabo in medio eorum: iuxta omnem similitudinem tabernaculi quod ostendam tibi, & omnium vasorum in cultum eius: sicque facietis illud: Arcam de lignis Sethim compingite, cuius longitudo habeat duos semis cubitos, latitudo, cubitum & dimidium, altitudo, cubitum similiter & semissem. Et deambrosiam eam auro mundissimo intus & foris, faciesque super coronam auream per circuitum.

14. Tabernaculum in sole positum. Psal. 136. 6. In sole posuit tabernaculum suum; & ipse in circuitum quam sponsus procedens de thalamo suo.

15. Trames aquæ immensæ & aquæ ductus de paradiso. Eccl. 24. 41. 42. Ego quasi trames aquæ immensa de fluvio, ego quasi fluvius dyorix. & ductus aquæ ductus exivi de paradiso. Dixi: rigabo herbarum meum plantationum, & inebriabo prati mei fructum.

16. Thronus Salomonis ex ebore & auro

vestitus. 3. Reg. 10. 18. Fecit etiam rex Salomon  
Thronū de ebore grandem, & vestiuit eum auro ful-  
uo nimis. Psal. 88. 30. Et ponam in seculum seculi  
semen eius, & thronum eius sicut dies cali. Vers. 38.  
Et thronus eius sicut sol in conspectu meo, & sicut lu-  
na perfecta in aeternum, & testis in calo fidelis.

17. Vellus Gedeonis. Iudic. 6. 37. 38. 39. 40.  
Ponam hoc vellus lana in area; si ros in solo vellere  
fuerit, & in omni terra siccitas, sciam quod per ma-  
num meam sicut locutus es, liberabis Israël, factumq;  
est ita. Et de nocte consurgens expresso vellere, con-  
cham rore impleuit; dixitq; rursus ad Deum: Ne  
irascatur furor tuus contra me, si adhuc semel ten-  
tauero, signum quarens in vellere. Oro ut solum vello  
siccum sit, & omnis terra rore madens. Fecitq;  
Deus nocte illa, ut postulauerat, & fuit siccitas in so-  
lo vellere, & ros in omni terra.

CAPVT VI.

Præfigurata etiam per claras mulieres.

1. Per Euam matrem cunctorum viuen-  
tium ex gratia Christi. Gen. 3. 20. Et vocauit A-  
dam nomen vxoris sue Heua, eo quod mater esset  
cunctorum viuentium.

2. Per Rebeccam. Gen. 24. 51. 52. 53. Em  
Rebecca coram te est, tolle eam, & proficiscere, & sit  
vxor filij domini tui sicut locutus est Dominus. Quod  
cum audisset puer Abraham, procidens adorauit in  
terrâ Dominum, prolatisq; vasis argenteis, & aureis,  
ac vestibus, dedit ea Rebecca pro munere, fratribus  
quoq; eius, & matri dona obtulit.

G 2

3. Per